



Kenyataan Media

CYBERJAYA
5 Ogos 2021

TIGA BELAS (13) MENARA KOMUNIKASI BAHARU TELAH BEROPERASI, TINGKAT CAPAIAN INTERNET DI EMPAT (4) DAERAH NEGERI JOHOR

Penduduk di beberapa buah kampung di daerah Muar, Mersing, Kota Tinggi dan Pontian kini dapat menikmati perkhidmatan jalur lebar yang lebih pantas dan berkualiti apabila tiga belas (13) buah menara komunikasi baharu di bawah Pelan Jalinan Digital Negara (JENDELA) telah beroperasi sepenuhnya sejak 30 Jun yang lalu.

Pembinaan menara berkenaan yang dilaksanakan di bawah Projek Pemberian Perkhidmatan Sejagat (PPS) akan memberi manfaat kepada penduduk di negeri Johor sekaligus mengubah serta menaik taraf kualiti kehidupan penduduk setempat.



PEMBINAAN menara komunikasi baharu di Kg. Sg. Pacat (kiri) dan di Jalan Lombong, Kota Tinggi (kanan) bakal memberi pelbagai manfaat kepada penduduk setempat.

Daripada 13 menara tersebut; tiga (3) menara terletak di daerah Mersing iaitu di Kg. Orang Asli Punan, Kg. Teriang dan di Jalan Endau-Mersing. Sementara itu, tiga (3) menara terletak di Daerah Pontian dibina di Kg. Parit Sulaiman, Kg. Hj. Ashari dan Kg. Buloh Kasap. Manakala, sebanyak

enam (6) menara lagi telah dibina di daerah Kota Tinggi di Kg. Nior, Kg. Linting, Kg. Sg. Pacat termasuk di Jalan Jemaluang, Jalan Lombong, dan Jalan Tanjung Balau. Sebuah lagi menara yang dibina terletak di Kg. Bukit Bendar di daerah Muar.

Pada masa yang sama, terdapat 23 lagi menara komunikasi baharu yang kini sedang dalam proses untuk dibina di lapan (8) daerah di negeri Johor oleh pihak penyedia perkhidmatan yang dilantik dan dijangka siap secara berperingkat menjelang bulan Mac 2022.

Dengan adanya penambahan menara-menara komunikasi tersebut, ianya bukan sahaja akan memudahkan penduduk setempat untuk melaksanakan pelbagai urusan harian dengan lancar tetapi juga memperbaiki tahap sosioekonomi mereka.

JABATAN KOMUNIKASI KORPORAT MCMC

Suruhanjaya Komunikasi dan Multimedia Malaysia | Malaysian Communications and Multimedia Commission
MCMC Tower 1, Jalan Impact, Cyber 6, 63000 Cyberjaya, Selangor MALAYSIA
T: +60 3 86 88 80 00 | F: +60 3 86 88 10 00 | E: scd@mcmc.gov.my | W: www.mcmc.gov.my



Suruhanjaya Komunikasi
Dan Multimedia Malaysia



MCMC_RASMI



SKMM_MCMC



MCMCTV